

Dastumad Pennwern : dornskrid 89

9. AR SAOZON EN DOURDU

(follennoù 28 - 30)

An deiz kenta ha viz du
Pa voa deud ar Saozon en dourdu

Nag er dourdu pa int diskennet
Eur plac'h iaouank o deus laeret.

Laeret o deus eur plac'h iaouank
da kass ganto do betimant.

Ar Plac'hik iaouank a lavare
de zad de mam enon neuze.

Adieu ma mam adieu ma zad
Birviken no koel ma daoulagat.

Adieu kerent a mignonet
A. kemen den zo deus ma goelet.

Ar plac'hik iaouank a goulenne
Digant ar Soz bras en deiz a voe :

-- Otrou ar Soz din leveret
Da ped ac'hanoc'h vin oblijet

-- Din va heunan, d'am pod a kamp
Dam martolodet pa devezo c'hoant.

- 28 -

- Otrou ar Soz, a c'houi am lezse
Var bont o batimant da vale :

- Bourmenit ar pes a guerret,
tolit evez mad na verc'h beuset.

Ar Plac'hik iaouank a c'houlenne
Gant e el mad pa pourmene :

- Ma el mad, dime leveret
Pe me neum veuso pe na rin ket.

A koulskoude, gwerc'hes vari
ne meus ket a c'hoant d'ho hoffansi.

Deus e el mad e deus sentet
var e fen er mor e zeo ed

El leel, plac'hik, ti a zo manket
Mar karches me moa ha heureujet.

Allas breman me na rin ket
Allas siwas pa zoc'h beuzet.

Tric'hant leo vor a devez gret
gant e el mad eo bed douget.

~~~~~

Jannet K/guiduff 19 Xbre 1850

~~~~~